

REVELLI (RUGGERO GRAVA)

In ocasion de partide Udin – Turin, la ARLeF E VA IN CJAMP PAR RICUARDÂ il zuiadôr furlan che al lee la sô storie al Grant Turin

Miercus ai 20 di Setembar, in ocasion de partide Udin - Turin che si zuie in cjase aes 20.45, la ARLeF e sarà ad ôr dal cjamp di balon par ricuardâ ai tifôs blancs e neris e a chei granata la figure di **Ruggero Grava, atacant ecletic e possent che al lee il Friûl al Grant Turin**. Al sarà presentât di fat in anteprime il toc **“Revelli”**, dedicât dal musicist **Franco Giordani** al zuiadôr furlan nassût a Claut intal 1922 e muart cun dute la squadre granata intal disastri aeri di Superga, intal 1949. **La cjançon, in lenghe furlane inte variante di Claut tal Cjanâl de Ciline, e je gjavade dal cd “Truòisparis”, publicât de cjase musicâl Nota.**

Revelli, par ducj Ruggero, al nas inte frazion di Massuriis. La famee si trasferis in France, lant daûr de strade dure de emigrazion. In curt al scomence a zuiâ di balon e a 14 agns al à de S.P.E.S. il premi tant che miôr atlete dal an. Dopo cualchi trasferiment, i Grava a rivin a Parîs. Ruggero al zuie in diviersis formazions, inflamant la stampe francese. Lis cronichis de epoche a scambiin Claut par un paîs francês e chest ecuivoc lu compagne par dute la cariere. Midiant di lui, il Circul Olimpique Roubaix-Tourcoing (C.O.R.T.) al vinç il campionât francês di serie A inte stagjon 1946/47. Il so talent lu viodin dal moment i dirigjents dal Grant Turin, squadre tra chês plui blasonadis al mont, che lu cuiste. Ma la Ponte e zuie dome 3 partidis (segnant un gol al Brussel). La sô cariere e finîs a Superga ai 4 di Mai dal 1949, cul colâ dal avion che al puarte a cjase la squadre dopo un incuintri amichevul a Lisbone.

“Inte storie di Ruggero Grava, contade, o miôr cjantade cun abilitât e sensibilitât rare di Franco Giordani intun disc là che e rimbombe dute la bielece de lenghe furlane intes variantis de mont dal Cjanâl de Ciline – al comente Lorenzo Fabbro, President de ARLeF - o cjatìn fûr elements che nus son cjârs a ducj tant che la lenghe, lis lidrîs, la emigrazion, il lavôr dûr, la bielece e la poesie dal sport e dal balon in particolâr. La partide tra Udin e Turin e je pardabon la curnîs ideâl par visâsi di un grant campion furlan e de sô fin sfortunade e tragjiche, conditudine cuntune squadre, il Grant Turin, che e restarà par simpri inte liende dal sport.”

Ae regjistracion dal toc “Rovelli” al à partecipât in maniere straordenarie Jens Kruger, onorât intal 2013 dal prestigjôs *Steve Martin Prize in Banjo e Bluegrass Music* intai Stâts Unîts.

Udin, ai 15 di Setembar dal 2017

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**
Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<